

28

LE

no. 26

COUVRS

DE

LA REYNE:

OV,

LE GRAND

PROMENOIR:

DES PARISIENS.



A PARIS,

Chez DENYS LANGLOIS, au mont S. Hilaire,
à l'Enseigne du Pelican.

Et en sa Boutique au bout du Pont-neuf, vers l'Eschole.

M. DC. XLIX.

LE

GOVRS

DE

LA REYNE

LE GRAND

PROMENOIR

DES PARISIENS



A PARIS,

CHEZ DENYS LANGLOIS, au bout St. Hilaire,
à l'Église de l'Écluse.
Et en la Boutique au bout du Pont-neuf, vers l'Écluse.

M DC XLIX



LE COVRS DE LA REYNE:

OV.

LE GRAND PROMENOIR DES PARISIENS.



'EST trop demeurer en repos,
le trouuerois bien à propos,
Ma rauissante Calliope,
Beauté plus aimable qu'Europe,
De nous promener vn petit,

Afin d'auoir plus d'appetit.

Puisque la chaleur est passée,

Passons à quelque autre pensée,

Laiissons la plume & le cornet.

Les Liures & le Cabinet.

Ah que i'en ay la teste grosse !

Cocher les Cheuaux au Carrosse :

Hola, quelqu'un; où sont mes Gens,

Que ces Coquins sont negligens,

Ils semblent quand on les appelle
 Le Barbet de Jean de Niuelle.
 Laquais, maraud, ça mon manteau,
 Verse promptement de cette eau,
 Pour rafraichir mes mains qui bouillent
 Du grand papier qu'elles barboüillent,
 ça mes gands, voy sur ce Bufet;
 Hé bien Caliope, as-tu fait?
 Les femmes sont tousiours les mêmes,
 Elles ont des longueurs extrêmes,
 Si ce n'est en vn certain point:
 ça ie m'en vay, ne vien tu point?
 N'as-tu pas tout ton train fantasque,
 Ton mouchoir, ta coëffe, & ton masque.
 O Dieux, que tu fais de façon!
 Veux-tu plaire à quelque garçon,
 Mal-gré ta caduque vicillesse?
 C'est assez d'estre ma Maistresse,
 Ne songe qu'à mon interest:
 Mais partons, le Carrosse est prest,
 Laissons à part ces Railleries.
 Cocher tout droict aux Tuilleries,
 Allons voir cét illustre Cours,
 Où se fait vn si grand Concours
 De routes sortes de personnes,
 Laides, belles, mauuaises, bonnès,
 Femmes, filles, hommes & tout,
 Allons de l'vn à l'autre bout.
 Voir la drolle plaisanterie
 D'vne telle galanterie.
 Ah qu'il fait frais! ah qu'il fait clair!
 Ah qu'il fera bon prendre l'air:
 Qu'en dis-tu, chere Caliope,
 Toy que sans cesse ie galope,

Ma

Ma diuine Muse aux beaux yeux,
Aga, ma fy, ie t'aime mieux
Avec ton visage à l'antique
Que la beauté plus autentique,
Qui paroisse en toute la Cour;
Pour toy ie brûle nuit & iour,
Et pour iouyr de tes merueilles,
Tu me fais bien souffrir des veilles.
Mais n'importe, ie suis content
D'en souffrir encor tout autant,
Pourueu que tu sois satisfaite
De mon affection parfaite,
Et que j'aye en toy du secours.
Mais nous voicy tantost au Cours:
Ah que de gens! ah que de bestes!
Ah que de pieds! ah que de testes!
Se peut-il voir rien de pareil
De l'un iusqu'à l'autre Soleil.
Toy qui sçais tout, ou par science,
Ou par ta longue experience,
Pour auoir ouï dire ou veu.
Est-il vn pays si pourueu
De tant & de si belles choses?
Toy qui sçais les Metamorphoses,
Et toutes les Antiquitez
Des Prouinces & des Citez,
La vieille histoire & la moderne,
Qui vois plus clair qu'une lanterne,
Sans lunette avec tes seuls yeux,
(Encore qu'ils soient chassieux)
Iusqu'au commencement du monde,
Ce que la Nature seconde
A fait de plus rare & plus beau,
Et ce qu'elle fait de nouveau,

Toy qui fais aller tes visées
 Jusques dans les Champs Elisées;
 Ces Champs que tu vois deuant toy
 Ne leur feroient-ils pas la Loy?
 Est-il rien dans la Theffalie,
 Dans la Grece, ou dans l'Italie,
 De comparable à cét aspect,
 Pour qui le Ciel a du respect?
 Regarde ces vastes Campagnes,
 Regarde ces belles Montagnes,
 Ton Parnasse & ton Helicon,
 (Sans que ie parle en vray Gascon,
 C'est à dire, avec Hiperbole)
 N'ont rien qu'une beauté friuole
 Au prix de toutes ces beauttez,
 Par qui les yeux sont enchantez.
 Vois-tu cette charmante Seine?
 Elle vaut bien ton Hippocrene,
 Et tous tes Canaux pisseurs.
 Vois-tu ces arbres tousiours verds,
 Ces incomparables allées,
 Si longues & si bien reglées:
 Et si sombres que le Soleil
 N'y void goutte avec son gros œil.
 Mais prenons la bonne portiere,
 Pour voi la troupe toute entiere,
 Et pour auoir tout le plaisir
 De contenter nostre desir.
 Remarque bien cette merueille,
 Qui n'a point ailleurs sa pareille,
 Vois-tu le long de ce grand Cours
 Vne Ville qui va tousiours?
 Vois-tu ces Maisons vagabondes
 Qui roulent ainsi que des ondes,

Et qui font vn nouveau Paris,
 Qui n'a point d'égal, ny de prix?
 Vois-tu dans ce plaisir extrême
 Comment Paris sort de luy-même,
 Et comment il y r'entre après
 Par vn flux & reflux exprés?
 Regarde ces ieunes folatres
 Qui font si bien les Idolatres,
 Les mourants & les transportez
 Pour ces innocentes beautez,
 Qui les laissent ainsi morfondre,
 Sans auoir le mot pour répondre,
 Et ne les contentent, sinon,
 D'un, Ouy, Monsieur, ou bien d'un, Non.
 Vois-tu cette autre plus matoise,
 Qui fait la simple & la courtoise,
 Et qui se moque dans son cœur
 De ce fou qui fait le mocqueur?
 Vois-tu cette émerillonée
 A la face vermillonnée;
 Et vois-tu ces Enfarinez,
 Comment diable ils leuent le nez,
 Pour considerer ce visage,
 A qui le masque est sans vsage?
 Vois-tu cette fausse beauté
 Se tourner de chaque costé,
 Et iouer mieux de la prunelle
 Qu'un Soldat qui fait sentinelle,
 Afin de surprendre en passant
 Quelque malheureux innocent,
 Et l'obliger par vne enqueste
 De sçauoir le prix de la beste?
 Regarde vn peu ces autres là
 Qui font chanter leur Quinola;

C'est bien elles-mêmes qui chantent,
 Ne crois-tu pas qu'elles enchantent
 L'oreille de ce vieil Caton
 Avec vn sot Qu'en dira-t'on:
 Mais considère ie te prie
 L'agreable galanterie
 De ce vilain galand nouveau,
 Vois-tu comment il fait le veau
 Tout estendu dans son Carrosse,
 Ainsi qu'un mort dans vne fosse
 C'est sans doute quelque esprit fort
 Qui rêve aux Caprices du fort,
 Ou qui medite dans son ame
 Sur les rigueurs de quelque Dame
 Qui l'a regardé de trauers.
 Peut-estre qu'il forge des vers
 Pour en former vne Satyre,
 Ou pour exprimer son martyre?
 Vois-tu ces autres Rodomons
 Qui feroient trembler les Demons?
 Ne diroit-on pas à leur mine
 Qu'ils vont mettre tout en ruine
 Avec ces plumes au chapeau,
 Avec ces cordons d'oripeau,
 Avec ces terribles moustaches,
 Qui les prédroir pour des cœurs lâches?
 Mais voicy des Enfarinez
 Qui semblent plus effeminez,
 Ie craindrois bien peu les épées
 De gens faits comme des Poupées,
 Et Mars n'a iamais fait grand cas
 De ces Mignons si delicats:
 Mais voy cette vieille edentée,
 N'est-elle pas bien aiustée

Pour

Pour duper vn ieune Estourneau,
 Et l'attirer dans le panneau,
 N'est-il pas iuste qu'on en rie,
 Baisse ta coëffe, ie t'en prie
 Ma Caliope, oblige moy,
 De peur qu'on rie aussi de toy,
 Sur ton excessiue vieillesse;
 Voicy venir vne Princesse,
 Ma chere Muse, la voila,
 Baisse la teste, honore la;
 C'est ainsi nostre mode en France
 De faire grande Reuerence
 Avec toute Ciuité
 Aux personnes de Qualité,
 Et le droict veut qu'on s'accorde
 Par tout aux Regles de la Mode:
 Il faut pour n'estre pas repris
 Viure à Paris, comme à Paris,
 Et dans Rome, comme dans Rome,
 Disoit mon Pere le bon homme.

Et toy, que dis-tu de ce Cours?
 Il y faut venir tous les iours
 Pour voir soyuent tant de beau monde,
 Confesse que Paris abonde
 En toute sorte de beautez,
 De plaisirs & de raretez.
 Vois-tu tant de Dames sans nombre,
 A qui le iour ne sert que d'ombre,
 Et de qui l'éclat sans pareil
 Fait fuir de honte le Soleil?
 Crois-tu que la fameuse Helene
 Qui mit toute la Grece en peine,
 Quand le beau Paris la vola,
 Fut belle comme celle-là?

Je te dis que sa mere Lede,
 Fut & de nom & de fait laide,
 Au prix de ce visage doux,
 Que tu vois passer devant nous.
 Regarde cett' autre femelle,
 Penses-tu que iadis Semelle,
 Qui plût si fort à Iupiter,
 Eut cette grace, ny cét air?
 En vis-tu iamais de ta vie
 Vne faite comme Syluie?
 La voila rire avec Philis,
 Voy leur teint de Rose & de Lys,
 Leur taçon & leur mignardise.
 Penses-tu que la Reyne Elise,
 Qu'on appelle autrement Didon,
 Valut cette grosse Dondon?
 Remarque bien ces mains d'albatre;
 Je ne croy pas que Cleopatre
 Dont Antoine fut tant charmé,
 Eut le teint si bien anié,
 Comme nostre belle Amarante.
 Je puis incagner Athalante
 Quand ie voy le mignard souris
 De cette adorable Cloris,
 La voila plus fraiche que glace,
 Vertu-chon qu'elle a bonne grace,
 Que ses yeux sont vifs & perçans,
 Il me semble que ie les sens
 Lancer des rayons pleins de flamme
 Qui penetrent le corps & l'ame.
 Te souvient-il pas de Daphné,
 Dont Phebus souffrant en damné,
 Souffroit tous les plaisirs sans honte?
 J'aimerois mieux l'œil de Madonté

Que l'autre avec tout son corps,
 Considere le beau dehors:
 Son dedans encore plus amable,
 La fait nommer incomparable;
 Et son esprit est si charmant,
 Qu'un seul mot luy fait vn Amant:
 Mais puisque le iour se retire,
 Quelque plaisir qui nous attire,
 Il nous faut songer au retour,
 Faisons encore vn petit tour;
 Puis sans autre ceremonie,
 Nous quitterons la Compagnie.
 Remarque vn peu ces évenez
 D'un zeile d'amour emportez,
 Ce sont des courtaux de boutique
 Qui mettent Phebus en pratique,
 Et tournent la Prose à l'enuers
 Pour tascher d'en faire des Vers,
 Sans garder ordre ny mesure,
 Sans sçauoir Rime ny Cefure,
 Et pour contrefaire nostre Art
 Escorchent le pauvre Bonfard.
 Cest vne chose bien commune,
 Que chacun avec sa chacune,
 Auiourd'huy vueille se mesler
 De nostre façon de parler,
 Et parsemer les amourettes
 De toutes nos belles fleurettes.
 Vrayment c'est vn trop grand abus
 De profaner ainsi Phebus:
 Quel monstre de voir vn sot Ase
 Monter en croupe sur Pegase,
 Et voltiger dessus son dos
 Pour faire rire des Badaux!

J'en connois d'autres à la Ville,
 Qui par vne gloire inciuile
 Afin de passer pour sçauans,
 Ne parlent point qu'en vieux Pedans;
 Et dans vn discours d'amour mesme,
 Par vne impertinence extrême
 Affectent de certains grands mots,
 Pour estonner des Esprits fots,
 Et mettent l'*Encyclopedie*
 Parmy la *Tragicomedie*;
 Puis pour sauter de l'Asne au Cocq
 Mettants leurs Chapeaux en S. Roch,
 Ils trouuent exquise vne phrase,
 D'y mettre l'*Antiperistase*;
 Croy qu'une fille en l'écoutant
 Doit auoir l'esprit bien content,
 D'oïr alors entr'autre chose
Apogée ou Metempsychose.
 Ce sont des mots bien pleins d'amour,
 Qui la font brûler comme vn four.
 Il faut bien à la fin par force
 Qu'elle se prenne à cette amorce,
 De mesme qu'un pauvre poisson
 Se prend au ver d'un hameçon:
 Qui pourroit faire resistance
 A des mots de telle importance:
 Qui n'aimeroit pas l'entretien
 D'un Galand qui parle si bien,
 Et qui paroît si fort habile?
 Mais pourquoy m'échauffer la bile
 Après vn si maigre sujet,
 Changeons de discours & d'obiet:
 Caliope as-tu veu la grace
 De cette Mignonne qui passe,

C'est

C'est icy pour des goûts diuers
 Le Theatre de l'Vniuers,
 Où chacun fait son personnage,
 Pour varier le badinage.
 L'un y mord les doigts de ses gans,
 L'un tourne & retourne ses glans,
 L'un y fait diuerses postures,
 L'autre y mange des confitures;
 L'un prend vn maintien glorieux,
 L'autre vn visage serieux;
 L'un s'y met sur sa bonne mine,
 L'autre y parle, l'autre y rumine;
 L'un y rit & monstre ses dents
 Sur quelques legers incidens;
 L'un y tire vn grand pié de langue
 Contre vn jeune fou qui harangue;
 L'autre luy rend vn pié de nez
 Sans qu'ils en soient plus mutinez;
 Car entre amis la raillerie
 Doit passer pour galanterie.
 Icy sans jamais se picquer
 Il est permis de se mocquer;
 Icy l'un à l'autre fait piece,
 Souuent l'oncle raille sa niepce;
 Vn autre rit de son voisin,
 Et la Cousine du Cousin;
 Icy se debite vn bon conte
 Le Marquis se mocque du Comte;
 On estalle des nouveautez,
 On examine les Beutez;
 L'une est trop grosse de visage,
 L'une est folle, l'autre trop sage,
 L'une a l'œil extremement doux,
 Mais ses cheueux sont vn peu roux;

L'une a la taille vn peu vouée,
 L'autre n'est pas bien ajustée;
 L'une n'a pas l'œil bien fendu,
 Et l'autre a le front mal tendu;
 L'une a trop grande vn peu la bouche,
 Et l'autre a l'humeur trop farouche;
 L'une a le nez trop grand & gros
 D'un Empereur, ou d'un Heros,
 L'une regarde avecque gloire,
 Et l'autre semble auoir la foire;
 L'une a le teint blesme & terny;
 L'autre a le sein bien mal garny;
 L'une est maigre, l'autre est trop grasse,
 L'autre manque de bonne grace;
 L'une est avec son peu d'esprit
 Vne Sotte qui toujours rit;
 L'une n'est rien qu'une Coquette
 Qui nuit & iour cause & caquette;
 L'autre qui ne sçait point parler
 Se laisse du moins cajoler;
 Et l'autre n'est qu'une salope:
 Ainsi, ma pauvre Caliope,
 Dans ces particuliers deuils
 Chacun dit son petit aduis:
 Ainsi l'on deschire les Dames
 Mais elles, soit filles ou femmes,
 Sçauent bien de mille façons
 Deschirer aussi les garçons,
 Quand elles sont hors d'apparence,
 Qu'on puisse ouïr leur conference.
 Mais nous voicy bien près du bout,
 Hastons-nous de regarder tout;
 Aussi ne prenons nous pas garde
 Que de par tout on nous regarde,

Et dans les yeux & dans le front;
 Faisons comme les autres font,
 Car dedans ces lieux où nous sommes,
 Toutes les femmes & les hommes
 Voudroient deuenir des Argus
 Auec cent yeux tous bien aigus,
 Et tous perçants comm' vne alefine,
 Pour voir tout iusqu'au cœur sans peine.
 Mais pour moy ie voy desia bien
 Que mes yeux ne seruënt de rien,
 Que dans ce temps obscur & sombre
 Vn Corps ne paroît que son Ombre,
 Et que par tout ce Promenoir
 Toute couleur deuiant du noir;
 Tu peux tirer la consequence
 Qu'il faut partir en diligence,
 L'heure le veut, & la raison,
 Touche, Cocher, à la maison.

Hé bien, Burlesque & chere Muse,
 Que ie careffe & qui m'amuse,
 N'as-tu pas bien eu du plaisir
 Pendant deux heures de loisir
 Que nous auons à la friscade
 Fait la gaillarde Promenade?
 Se peut-il voir dans l'Vniuers
 Tant de beaux obiets si diuers?
 Hastons-nous d'aller à la soupe,
 Et vuider mainte grande coupe
 Pour nous des-alterer vn peu,
 Car ie sens mon corps tout en feu;
 Ie veux te traiter en Poëte,
 Et boire avec toy sans gourmette.
 Après quand nous aurons soupé,
 Au moins si ie ne suis trompé,

Il faudra que ie te regale
 Au frais dans la Place Royale,
 De vingt-&-quatre Violons,
 Tous François, mais vray Apollons,
 Qui te feront dire sans peine
 Que leur adresse est plus qu'humaine;
 Que la France est vn beau séjour,
 Qu'il n'est rien comme nostre Cour;
 Et que Paris où tout abonde,
 Vaut plus luy seul que tout le Monde.

FIN.

